

古今楹聯類纂

附慶弔雜俎有覽上
武進唐駝署

余編古今楹聯類纂既成因思聯語之用慶弔為廣而慶弔之用慶弔為廣而慶弔以序文或以詩歌皆用之慶賀者也或以文祭或以辭誄皆或以文祭或以辭誄皆而及之凡慶弔文字有合於近時通用者又另為一編曰慶用者又另為一編曰慶之後聊供應酬文字之一助云爾

卷上慶賀類總目

壽文

分切各界

壽詩

分切各界

賀壽函

答謝附

結婚證書

頌詞

謝詞

琴歌

舊式花燭文

賀婚詩

切時

賀婚函

答謝附

賀生子詩

賀生子函

答謝附

卷下吊唁類總目

訃聞式

成服祭文

發引祭文

門祭文

告窆祭文

祀土文

奉主入祠告祖文

入祠祭門神文

通用祭文

分切各界

輓詩

分切各界

慰唁函

答謝附

慶弔雜件備覽卷上

慶賀類

雙壽通用文

蓋聞周王好逑厥維淑女魯侯燕喜聿有令妻故陰陽成天地之和乾健必資乎坤厚內外篤室家之慶夫扶自協乎妻齊溯佳耦於鮑桓鹿車共挽緬高風於梁孟鴻案相莊鼓瑟鼓琴弋鳧犬雁龍雀之環相對茗華之玉雙成固已徵宿世之良緣極人生之樂事矣而況詩賡偕老案舉齊眉得齊治之規叶唱隨之義貞嶠產冰蠶之繭總是同功長林開益壽之花無非並蒂如

某某先生暨淑配某夫人者一德言歡百年叶慶錫爾純嘏宜其家人猗歟休歟今年月日為

先生暨夫人旬雙慶時也海宇晏安人民豐阜禾苗雙歧之秀木呈連理之祥鳳凰和鳴節節足足鳥獸咸若鸛鷦叩叩光煥中天極耀與媿星並朗靈鍾大地姥峯與嵩嶽同高祐集華堂歡騰采彩濟濟多士效華封三祝之辭霽霽吉人歌天保九如之什某某等欣逢誕日欲上微言乃命鯁生屬陳駢語自維霍光不學周勃少文王子安之腹藁久空江文通之筆花早謝未習月府霓裳之曲徒慚下里之歌欲畫

銀河仙眷之圖愧乏寫生之筆。然而德門之令範所不能已於言也。諸君之盛情所不敢違其意也。爰假管城陳其崖畧。

先生世德清華。英才卓犖。人稱麟角。幼具龍文。孝友悉本於性。天言行自合乎古訓。雅量如黃叔度。千頃波澄。功德若陳太丘。一山桂馥。遇大事則急公好義。卜中郎財粟之輸待戚友。則濟困周貧。范堯夫麥舟之助。愉愉顏色。鄉里皆目為善人。落落襟期。儕類咸尊為長者。有道之令聞無忝積善之餘慶。斯臻於是。來畚耒耜。梁春有耦。夫人某氏。通華胄望。淑慎閨儀。西方美人。東鄰處子。十三織素。二七裁衣。好句流連。吉甫清風之誦。長言婉婉。女師德象之篇。正及瓜年。載歌桃灼。締江東之王謝。結山右之朱陳。黽勉同心。雞鳴戒旦。鏡照鸞而同影。爐薰鴨而共香。不聞交謫之聲。長表如賓之敬。劉綱伉儷。無異神仙。宋弘糟糠。真同魚水。此固王郎天壤。愧此多才。李氏桑榆。羨其嘉耦者也。且也仲子尚辟疆之義。夫人有昂斛之稱。蓋法喜維摩。同具慈悲之念。故牽牛織女。常留璀璨之光。今者弧悅齊懸。椿萱並茂。舞盤雕錦。無非四照之光。手酌鴛漿。即是九乾之露。水瑟雲璈之競奏。同聲曲譜。壽人冰桃雪藕之羅陳。應憶酒斟合卺。翔來白鶴。頻傳東海之添籌。飛下青鸞。亦效南方之比翼。聿瞻松壽。無任葵傾。幸廁華筵。曷勝藻頌。喜踐白頭之約。更為黃髮之祈。看此時長樂花明。和

露更呈異彩。知此後恒春樹茂。參天總是交柯。願隸東王木公。西王金母之班。林士百福。敢上南山有臺。北山有萊之頌。君子萬年。

政界男壽通用文

且夫年高絳縣。山林之耆老。易逢圖寫香山。富貴之神仙難得。蓋必福臻洪範。際五百之昌期。而後數積靈椿。衍八千之上紀。才非官也。而才高則官自尊。德非年也。而德厚則年自邵。鄧禹但期文學。竟冠通侯。顏含不信蒼龜。偏登大耋。此非志願有限。休徵相逼而來。實由操執恢宏。造物因材而篤。是以金章焜耀。銅狄摩挲。莫不望若天仙。貴兼人爵。荀子所謂美意延年。史遷所謂修道養壽者。此之謂也。今年月日為某某先生十誕辰。斯時壺凝春酒。屏敞晨霞。吉日良辰。風和物美。介眉壽者爭趨景達尊者羅拜。莫不進麥邱之三祝。獻奚斯之一篇。同人聚謀祝嘏。俾助稱觥。在諸君欲賦南山有臺之篇。屬某某先為東方啟明之侶。竊念員嶠方壺之所。詎少丹砂。瀛洲閬苑之間。定饒彩筆。豈有襪襪威鳳。尚須雀翠之華。天矯神龍。猶借蛟雷之響。維是臚言風聽。習聞君子之徽音。奮筆纂思。頗記賢人之逸事。與其橫陳於胸臆。曷若布寫於屏風。謹拜首稽首而言曰。

先生世德清華。英才卓犖。少年幼學。列桃李而冠其曹。壯歲遨遊。覽山川而恢其識。

鴻聲馳播。早遐邇之咸欽。鵬翮高搏。遂扶搖而直上。正我

中華民國化進共和。治臻一統。訂神經於獄瀆。咸敘羣靈。叶瑞紀於雲龍。用康百度。涵濡雨露。無非太極之泉。調劑鹽梅。即是長生之鼎。大才擘畫。能保惠於庶民。偉烈撫循。更茂揚於四履。今天聰明者。每失之刻。公正者。或流于迂。警敏者。待物少真。幹辦者。操心多感。

先生則容光必照。何須察察為明。着手成春。不肯沾沾自喜。愛惡必形于色。使屬僚知所從違。成見不掛於懷。故方寸毫無適莫。案牘似秋來之葉。風掃皆空。吏胥踏冰上而行。鏡心自怯。宜乎純禧平格。景福崇隆。裴晉公之風貌。松鶴同清。高侍中之聰強。杖几虛設。當此荅詠衢歌之日。正值稱觴薦竿之辰。麟繫絃來。綬色與海籌競美。烏啣花至。棠陰與桃實爭輝。絳霄幾重。攬取南天弧彩。紅綃一曲。快聆東海笙歌。安期生棗大如瓜。西王母雪甜於蜜。冠裳衍慶。山海騰歡。所謂得一為貞。壽國壽民。壽世。惟三不朽。立言立德立功。百福永綏。萬年勿替。某某等幸際清時。恭逢盛會。仰福星之燦爛。荷甘露之霏微。欣申伯之生辰。祝魯侯之燕喜。寅丹布臆。同為酌斗之祈。子墨攄忱。愧乏如椽之筆。敬陳善政。敢上徽言。義不取諛。文皆從實。際此錦堆仙署。看枝枝開益壽之花。從茲日永蓬壺。願歲歲進延齡之酒。

壽政界父文

蓋聞精華四溢。美玉必孚自藍田。嘉蔭千章。大木必生於喬嶽。從來食福。必歸積善之家。自古延齡。不藉養生之術。箕陳洪範。備九五之休祥。數積靈椿。衍八千之歲月。庚元規登臨有興。羣看老子婆娑。馬伏波顧盼自雄。爭羨是翁豐饒。况又樹森謝砌。彩煥桑弧。桂馥燕山。陰歌棠棣。共仰萬家生佛。爭登堂祝壽佛無量。羣瞻一路福星。更翹首仰極星增耀。莫不天保進九如之頌。封人獻三祝之詞。夫澤沛崇朝。因雲於泰岱。河潤九里。發源於崑崙。論其身膺百福之符。神游大觀之宇。克融世詰。以樂曼齡。豈偶然哉。良有以也。恭維

某某先生碩宿名高。耆年望重。孝友篤於天性。幼重藝倫。知行根自古人。長敦道義。律身若黃叔度。允符顏子之稱。敦行若陳太邱。不愧仲弓之號。情怡山水。左太冲招隱有詩。惠贍親朋。范堯夫傾參為助。義方之訓是篤。趨庭有詩禮之傳。福田之種既勤。啟後繼簪纓之族。修德獲報。乃見壽徵。教子成名。允宜祿養。方今

中華民國一元啟運。五族共和。奠國家於億萬年。應昌期於五百載。叶夔龍之郊治。百度用康。集麟鳳之禎祥。三階俱泰。天開壽寓。人樂昇平。更治清明。既澤周夫菡屋。休徵壽考。乃祐集於高堂。如

先生之神仙慧業。福壽完人。蘭寢凝香。松姿益健。優哉游哉。盛矣美矣。今年月
日為

先生懸弧令旦。攬揆良辰。詰嗣某某任某某事。政通人和。化行俗美。彈冠相慶。本顯
親以揚名。釋褐而來。原作忠於移孝。政聲之所流播。既足坊表。夫官常偉策之所發
抒。無不淵源於家學。門啟于公駟馬庭。栽王氏三槐。際茲南極星明。西池桃熟。杯浮
琥珀。屏設琉璃。橋木森森。與松柏而並茂。策衣燦燦。映印綬而增輝。酌斗稱觴。奚翅
尋常。滄滄問安視膳。猶然平日盤也。捧鳩杖者若而人。僚掾歡欣而羣至。祝鶴齡者
凡幾輩。士民鼓舞而偕來。雅頌賡揚。虎觀鴻都之選。冠裳晉接。金臺紫館之疇。日之
升而月之恒。天運肇長生之慶。山不老而川不息。地靈開益壽之圖。某某等幸際清
時。恭逢盛會。鶴算籌添海屋。鳬趨爭集蓬瀛。綠野堂開。勝似北窗羲皇之侶。黃封酒
進。願誦南山萊臺之篇。慚瓦奏之非工。謹岳鳴之藉獻。未須扶老。且閒竹節之筇。為
祝長庚。請酌菊花之酒。紫雲唱去。青鳥飛來。從茲百歲頤期。千秋令節。貞貞俟福。髦
髦考祥。紉縵卿雲。歌唐虞之復旦。舒長愛日。等彭李之引年。堂上固昌壽於無疆。膝
下亦承歡於靡既。好覓人間四皓。偕綺黃東角而同游。仰瞻瀛海三山。喜壺嶠蓬萊
之永峙。

壽政界母文

夫紫綬翔華。共拜虞侯之母。絳紗設幔。咸瞻宋氏之師。自來嘉淑慎之躬。每膺富貴康強之慶。瑤光耀於寶婺。嘉樹蔚其恒春。於以徵菊井之銘。上萱堂之頌。延開燕喜。長發其祥。樂備人倫。永錫難老。祝嘏則盈牀袍笏。奉觴則繞膝芝蘭。咸黨咸羨其恩榮。國家著以為徵瑞。此固耳鳴陰德。身備壺儀。躬之所積者厚。斯天之所報者隆也。恭維

某母某太夫人系出名門。夙承家訓。莊姝表度。婉婉修儀。幼行已異於常人。誦詩無煩於傳母。有娈娈碩人之德。以兢兢守禮為心。其歸

太翁某某先生也。玆璜是飭。蘋蘩肅將。永歡則人無閒言。上食則夙諳姑性。解衣推惠。婢媼感其恩勤。撲棗無爭。鄰里化其賢淑。至夫相夫贊政。脩己治家。作健如男。內外助藁砧之力。受辛者婦。晨昏任簪白之操。鄭絡秦篝。勤織紵以代匱。男錢女布。量出入以節財。鴻案相莊。推髻布裙而自安儉約。鹿車共挽。提甕出沒而不憚勤勞。及大玉燕夢投。石麟天降。

太夫人飲食教誨。保抱提攜。不假手於媼傭。使習聞夫詩禮。階前玉樹。勤丹慙以無嬉。座上瓊枝。識綠衣之必貴。今者喆嗣某某任某某事。德政在民。口碑載道。毛義捧

檄喜總親及見顯揚祖述着鞭知偉烈定徵遠大何莫非秉丸熊之教勵封鮒之廉
用能名閭中興德門聿煥憶寒霄之晝荻貽謀惟有讀書緬先澤之栽槐種德果然
獲報而

太夫人之屬望於嗣君者則尤有進焉謂滿損謙益天道之昭彰保泰持盈人生之
戒慎房玄齡集成家誠書錄屏間崔子玉著就箴銘鐫刻座右晏嬰處貴不易衣裘
趙禹居官亦疏賓客名臣可仰曩哲宜師慈訓周詳非賢德而能若是乎故其自處
也貴能守約富益好施披翟弟之尊榮勿忘儉素奉板輿之優養悉屏紛華分餘潤
以贍姻解慨囊而周急求罔不應方任其欺夏水冬湯澤普鳴騶之里仁漿義粟恩
流涸鮒之區斯其佛性婆心積夫千善所以休徵壽相萃於一身今年月日為
太夫人 旬華誕福草含嘉靈花送喜堂開畫錦何殊閭苑風光春永蓬壺自是瀛
洲瑞氣蟠桃獻瑞早登王母之盤玉液清香宜醉麻姑之酒某等同慶護榮幸分棠
蔭仰冀黃之善政欽歐孟之懿風展愛日之舒長望孀星之朗耀侍瓊筵而介祉鞠
膺而稱北海之觴記金管以揚徽雍容而獻南山之頌

壽政界妻文

自來金玉圭璋之品合佐并珈象服之宜是以嵩嶽篤生敷鴻猷於朝野必有姬姜

內助。端淑化於閨闈。山濤為晉代名臣。許完壙以窺良友。曼倩為漢皇近侍。常割肉以遺細君。蓋得陰陽之和。乃協治齊之道。雞鳴昧旦。賓驚戒之賢。鴻案相莊。篤如賓之敬。凡乾健之自強。即坤厚之載福。瑟琴偕老。翟第增榮。固非偶然也。恭維

某嫂某夫人。系自名門。夙承家訓。莊姝表度。婉婉修儀。幼行已異於常人。誦詩無煩夫傳母。有姒姒碩人之德。以兢兢守禮為心。其歸

某某先生也。玳瑁是飭。蘋藻肅將。承歡則人無間言。上食則夙諱姑性。解衣推惠。婢媼感其恩勤。撲棗無爭。鄰里化其賢淑。至其相夫贊政。修己治家。作健如男。內外助藁砧之力。受辛者婦。晨昏任釐白之操。澣葛淑其。秋風無斃。縫裳辛苦。宵火常明。鄭絡秦篝。勤織紵以代置。男錢女布。量出入以節財。孟德耀之推髻布裙。桓少君之提甕出汲。韋稽女史。何讓徽音。是故斷機勗勉。樂羊之學業乃成。饁耨殷勤。冀缺之勲名以著。今

某某先生任某某事。政舉民誠。化行俗美。萬家生佛。早厚德之及人。一路福星。聽口碑之載道。併蒙萬厦。平分繡閣之春。經緯二儀。總出機絲之緒。今年 月 日為

夫人 旬華誕。瑤階設悅。綺席稱觴。祥呈富貴之花。瑞獻長生之果。筵開槐署。孟嘗君集客三千。嘏祝萊臺。郝夫人行年九十。西池玉液。挹北斗以為漿。東海琅璚。和南

音而舞簫。旋娟舞彩。玉女彈絲。青鳥飛來。緘寶書而展謁。紫雲遙至。護鶴駕以爭趨。玉宇瓊樓。月娥鎖闥。金泥錦字。雲母圍屏。皆以揚寫壺儀。詠歌懿範。效華封之三祝。頌天保之九如。濟濟多才。洋洋盈耳。某等叨奉後塵。稔欽內教。羣謀製錦之詞。藉表奉觴之意。夫魯侯燕喜。聿有令妻。周室螽斯。實惟太姒。賢稱柳婦。早揚彤管之輝。仙列麻姑。合晉金罍之酒。籌添海屋。壽星與嬪曜齊明。慶集璇閨。瑤草與仙葩並列。幸逢盛會。敢獻蕪辭。愧無曼倩之桃。共蒼生以稱咒。且借潘郎之筆。學墨客之揮犀。蓋以祝

夫人之慈壽無疆者。並以頌

先生之政聲永著也。

軍界男壽通用文

昔者麒麟畫閣。紀勳伐於漢家。猿鶴同盟。會耆英於洛社。由來名將衛國。即以衛身。厥惟仁人。有勇兼能有壽。方召之耆績。運值周興。申甫之誕生。神由嶽降。故有偉大經綸。以敷綏於世。必有完固精神。以孕育於身。在文治奏撫循。於武功成耆定。盪海內櫓槍之氣。奠國家磐石之安。元老壯猷。將軍神武。載諸史冊。播為美談。如某某先生者。績懋旂常。壽貞金石。上以佐

中華民國奕禩承平之治。作人壽考之休。衍純嘏於無窮。宣國威於至遠。可謂盛矣。不亦偉哉。今年 月 日為

先生 旬華誕時也。風物和美。海宇晏安。凡在同人。聚謀有以祝之。而屬 某某 為藻麗之辭。當榮臺之頌。自維謏陋。筆愧生花。欲事揄揚。文慚製錦。匏宣瓦奏。寧能揚大樹之威聲。偉烈豐功。豈猶借已歌之頌禱。然而將星炳朗於中天。福曜照臨於下土。羣瞻節鉞。莫不欣然。我望旌旄。寧能默爾。竊不自揣。敢臚陳大略焉。

先生世德清華。丰姿卓犖。請纓年少。比弱冠之終軍。投筆心雄。慕封侯之定遠。英聲風播。環質天成。論劍學書。已無餘子。登車攬轡。便欲絕塵。才猷既邁。夫尋常精力。早徵其強固。及夫主閫仗旄。登壇秉節。聞雞起舞。鼓壯氣於平時。立馬當關。示武功之蓋世。岳節使旌旗整肅。號令如山。程將軍刁斗森嚴。行營勿擾。鈴閣之貌貅坐擁。部檐之雞犬無驚。聯衆志以成城。奠民情以安堵。蓋其機謀神運。如借箸之留侯。勝算心操。似圍棋之謝傅。書所稱夫子桓桓。詩所謂虎臣矯矯。方我

先生。猶未盡也。申伯屏翰宗周。介圭乘馬。叔子督師荊郡。緩帶輕裘。馬上橫經。鄧司徒之雅度。營中習禮。祭征虜之高蹤。風流自賞。儒雅咸欽。說禮樂而教詩書。卻穀作晉軍元帥。偃干戈而修文德。賈復是漢代勳臣。固非暴虎馮河之輩。所能等量齊觀者。

也是以無欲則剛。安仁獲壽。郭汾陽從容免胄。壽考維祺。馬伏波矍鑠據鞍。康強逢吉。登弧月滿。南山星動。軍麾鶴翅風高。東海籌添。武庫際此龍韜。疇行虎幄。觥稱蟠桃。開益壽之花。寶笈註長生之籙。望星衢之炳朗。星野明庚。喜天宇之澄清。天河洗甲。筵開細柳。抱來北斗仙漿。弓挂扶桑。絢出南弧雲彩。鷹揚遠徵。爭歌尚父之功。鵠放遙天。共敷華封之祝。某某等末光忝附。盛會欣逢。慶申伯之生辰。祝魯侯之燕喜。陳箕疇之五福。賡天保之九如。詞莫罄乎鄙忱。情同殷乎獻壽。此日看兕稱珠帳。軍歌齊唱三多。從前朔鵲駕銀河。吉語曾聆六字。是則上將之勲名未艾。老人之福壽無疆。定知楊氏門中。四世都膺簪笏。羅侯城下。百年長擁干旄。

壽軍界父文

蓋聞希世璠璣。實孕奇於閭闔。參天松柏。必植根於名山。是以泰岱之雲。起為霖雨。靈淵之水。湧出醴泉。原物類之所昭。維人羣而聿著。故將門有將。公種生公。光燦雙珠。知韋端之德教。芬揚五桂。識竇氏之義方。堂構相承。箕裘克紹。載之簡冊。傳為美談。矧其豹畧宣名。赤幟遂顯揚之志。象賢繼美。朱澤啟光大之模。則其菊圃晚香。蘭陔色養。新息侯精神矍鑠。萬石君杖履優游。洪範陳疇。備九五福之富壽。大椿暘陰。衍八千歲之春秋。固其宜也。恭維

某某先生陸地神仙。香山耆老。孝友篤於天性。幼重彝倫。知行根自古人。長敦道義。律身若黃叔度。允符顏子之稱。敦行若陳太丘。不愧仲弓之號。粹於面而盎於背。心以作德而日休。禮以立而詩以言。教自趨庭而早篤。自來食福。必歸積善之家。於以鍾靈。挺出干城之選。修德獲報。乃見壽徵。教子成名。允宜祿養。方今

中華民國一元啟運。五族共和。金湯鞏固。奠國家於億萬年。節鉞威嚴。應名世于五百載。著范韓之偉績。北門之鎖鑰無憂。朔申甫之降神。南極之星辰益炳。天開壽宇。人樂昇平。祐集椿庭。歡騰梓舍。如

先生之康強逢吉。福壽兼賅。古有畝邱問年。絳縣紀亥者。方斯下矣。今年月日為先生旬華誕。海嶠星華。江山日麗。壺斚春酒。屏啟晨霞。鶴啣東海之籌。自祥雲而飛下。桃獻西池之果。與瑞靄以偕來。哲嗣某某。任某某事。虎臣矯矯。夫子桓桓。風肅魚鈴。金壇講武。雲屯鶴陳。珠帳標譽。聯衆志以成城。鈴閣之貌貅坐擁。奠民情以安堵。部檐之雞犬無驚。烽烟都盪為光華。河海悉呈其清晏。上將旌旗映日。喜依椿蔭同高。中軍韎韐趨風。欣遇桑弧煥彩。為家之慶。亦國之祥。扶鳩杖者若而人。部曲歡欣而頌禱。祝鶴齡者凡幾輩。士民鼓舞而謳歌。某某等幸遇清時。恭逢盛會。冠裳濟濟。

聽歌天保九如。裾展翩翩。爭效華封三祝。愧無仙棗。上饒靈椿。助蘭膳以進脩。陪

萊衣而祝嘏。欲揚耆德。敢上徽言。爰為製錦之詞。聊作稱觥之介。蓋享壽者早徵壽相。種福者自有福田。積之厚者流自光。鬱之久者洩必盛。老成謀貽燕翼。玉樹森然。賢郎學富龍韜。金章赫若。溯當日從戎投筆。本移孝以作忠。羨此時顯親揚名。好承歡而上壽。蘊此純固葆貞之理。發為熾昌耆耄之祥。共頌壬林。剛逢泰運。方興未艾。奚翅頤期。鳳凰和鳴。早卜正卿於五世。鴛鴦戢翼。載頌君子於萬年。

壽軍界母文

蓋聞玉種藍田。寶琬琰璫璣所自出。源探星海。知江淮河漢所從來。室樹芝蘭而香莫掩。爐煨楮袖而煖乃生。是以玄鶴揚音。騰九皋而協律。丹鳳啣綬。應五福而來儀。雖德種璇閨。列女之芳徽自遠。而星輝織室。鈞天之第祿必申。然則餐紫芝而餌丹砂。玉女不足友也。讀黃庭而朝絳闕。王母不足多也。八千歲為春秋。鶴算卜大年之永。五百年應名世。鳳毛發潛德之光。如。

某母某太夫人者。耳鳴陰德。長發其祥。樂備人倫。永錫難老。孰不欲臺築懷清。宮瞻少廣也哉。恭維

太夫人降從月殿。系出名門。幼秉李蘭之資。長嫻大家之訓。當其嬰兒未嫁。靜女其姝。七誠能通。四德俱備。柔嘉有則。婉婉修容。夏葛冬裘。擬鍼神於無縫。晨餐夕膳。供